



羊鷓字子鷓隨父假臺城內陷竄於陽平爲侯景所獲待
之甚厚及景敗鷓密圖之乃隨其東走景於松江戰敗
惟餘三舸下海欲向蒙山會景倦晝寢鷓語海師此中
何處有蒙山汝但聽我處分遂直向京口至胡豆洲景
覺大驚問岸上人云郭元建猶在廣陵景大喜將依之
鷓拔刀叱海師使向京口景欲投水鷓拔刀斫之景乃
走入船中以小刀抉船鷓以稍入刺殺之世祖以爲持
節通直散騎常侍都督青冀二州諸軍事明威將軍青
州刺史封昌國縣公食邑二千戶賜錢五百萬米五千

石布絹千疋又領東陽太守加散騎常侍平峽中除西
晉州刺史破郭元建於東關遷使持節信武將軍東晉
州刺史

傅伏泰山人仕北齊以戰功累遷東雍州刺史周克荊州
遣人以其子來招降伏曰事君有死無二此兒不忠不
孝願卽斬之後聞後主已獲乃仰天大哭率衆入城於
廳事前北向哀號良久然後降

羊敦字元禮泰山鉅平人仕尚簡素傳涉書史以父靈引
死王事授給事中累遷廣平太守有治能屬歲饑饉教

民採藕根食之遇有疾苦解衣質米以恤之朝廷嘉其
清白賜穀千斛絹百疋卒于官吏民奔哭贈吏部尚書
謚曰貞

隋

徐洪客泰山人隋末山東大水餓莩滿野李密取黎陽倉
大濟得勝兵三十餘萬洪客獻書於密以爲大衆久聚
恐米盡人散師老厭戰難以成功勸密乘進取之機因
士馬之銳沿東指南直向江都執取獨夫號令天下密
壯其言以書招之洪客竟不出首其所之密大稱異君

子曰洪客之謀奇而正非惟李密不及唐初諸人皆不及也天下未嘗無才或隱於屠販或寄於盜賊洪客優游黃冠中而抱匡時之畧懷濟世之具顧人不能知耳然李密不足與言豈洪客未知晉陽與師或無路以自達而於密發之耶以此善觀之其胸中之奇固多矣而迄不自見豈真不及唐室之興而死歟抑如黃石公魯仲連之流歟嗚呼其可謂高士也夫

宋

石介字守道兗州奉符人學篤而志大雖在畎畝不忘天

下之憂以謂時無不可爲爲之無不至不在其位則行其言吾言用功利施於天下不必出乎已吾言不用雖獲禍咎至死不悔其遇事發憤作爲文章極陳古今治亂成敗以指切當世賢愚善惡是是非非無所諱忌世俗頗駭其言由是謗議喧然而小人充嫉惡之相與出力必擠之死介安然不惑不變曰吾道固如是吾勇過孟軻矣及卒而姦人有欲以奇禍中傷大臣者猶指介以起事謂其詐死而北走契丹請發棺以驗願天子察其誣得不發棺而保全其妻子介世爲農家父丙始以

仕進官至太常博士介年二十六舉進士甲科爲鄆州
觀察推官南京留守推官御史臺辟主簿未至以上書
論赦罷秩滿遷某軍節度掌書記判嘉州軍事判丁內
外艱去官躬耕徂徠之下葬其五世未葬者七十喪服
除召入國子監直講是時兵討元昊久無功海內重困
天子奮然思欲振起威德而進退二三大臣增置諫官
御史所以求治之意其銳介躍然喜曰此盛德事也雅
頌吾職其可已乎乃作慶曆聖德詩以寓褒貶分別邪
正指斥夏竦累數百言詩出孫明復曰子禍始於此矣

其後所謂姦人作奇禍也乃詩之所斥也介自閑居徂
徠後官于南京常以經術教授及在太學益以師道自
居門人弟子從之者甚衆來太學之興自先生始其斥佛
老時文則有怪說中國以謂曰去此三者然後可以有爲
其戒姦臣宦女則有唐鑑曰吾非爲一世之鑑也其辭
博辯雄偉而憂思深遠其爲言曰學者學爲仁義也仁
急於利物義果於有爲惟忠能忘其身篤於自信者乃
可以力行也以是行於己亦以是教於人所謂堯舜禹
湯文武周公孔子孟軻楊雄韓愈氏者未嘗一日不誦

於口思與天下之士皆爲周孔之徒以致其君爲堯舜
之君民爲堯舜之民亦未嘗一日少忘於心至於邁世
驚衆人或笑之則曰吾非狂癡者也是以君子察其行
而信其言推其用心而哀其志其直講歲餘杜祁公薦
之天子拜太子中允丞相韓琦又薦之乃直集賢又歲
餘始去太學通判濮州方待次于徂徠以慶曆五年七
月卒於家年四十有一友人歐陽修哭之以詩以謂待
彼謗焰熄然後先生之道明矣介沒後妻子凍餒不自
勝韓琦富弼分俸買田以活之後二十年歐陽修銘其
墓曰徂徠之巖巖與子之德兮魯人之所瞻汶水之湯
湯與子之道兮愈遠而彌長道之難行兮孔孟皇皇一
世之屯兮萬世之光曰吾不有命兮安在夫桓魋與臧
倉自古聖賢皆然兮噫子雖毀其何傷

姜潛字至之泰山奉符人從學於石守道田況舉石試學
士院爲明州錄事參軍以母思鄉求致仕吳奎韓絳共
薦徙兗州又薦爲國子直講神宗聞其賢召訪以治道
對曰有堯舜二典在顧陛下致之之道何如知陳留數
月青苗令下潛即移疾去縣人詣府留之不得

李巨字可大泰山奉符人少學有智慮以進士擢尚書郎
建炎末陷於劉豫使守大名與凌唐佐謀密陳豫可取
狀於朝募卒劉金等十餘人往返事泄遇害贈官立祠
曰愍忠

金

党懷英字世傑泰山人父純睦馮翊人仕爲泰安軍錄事
叅軍因家焉懷英舉大定進士授莒州軍事判官累遷
翰林學士承旨博洽善屬文尤工篆籀當時稱爲第一
卒謚文獻其書法文意今可見者闕里杏壇二大字岱

元
祠碑額魯兩先生祠碑東昌府學三絕碑

元

石珪泰山奉符人宋祖徠先生守道之聞孫也世以讀書
力田爲業躰貌魁偉膂力過人個儻不羈金貞祐南渡
兵戈四起珪率少壯負險自保與騰陽陳敬宗聚兵山
東破張都統李霸王兵於龜蒙山宋將鄭元龍以兵迎
敵珪敗之於亳陽遂乘勝引兵入盱眙會宋賈涉誘殺
連水忠義軍衆迎珪爲師稱太尉戊寅元主使葛不罕
與宋議和已邠珪令麾下劉順入覲元主元主慰勞之

且敕珪曰如宋議和不成吾與爾未結一家吾必榮汝
順還告珪心感服日夜思降庚辰宋果渝盟珪棄其妻
龍氏子金山仗劍渡淮宋將追之曰太尉回完汝妻子
珪不顧宋將沉珪妻子於淮珪遂率順及李温因字里
歸木華黎辛巳木華黎承制授珪光祿大夫濟兗單三
州兵馬都總管山東路元帥佩金虎符癸未元主詔曰
石珪棄妻子提兵歸順戰勝攻取加授金紫光祿大夫
東平兵馬都總管山東諸路都元帥餘如故秋七月珪
破曹州與金將連戰數晝夜糧絕而援兵不至臨陣馬

仆被擒至汴金主誘以上爵使揖珪忿曰吾官至光祿

復能受封他國耶假我一朝當縛爾以獻金主大怒蒸

殺于市珪怡然就死無變色烈哉珪之死也惜不于華

宋之臣子而厥祖徂徠先生以春秋名世而貽其家春
秋內夏外夷而珪也未之思也且夫殺其妻子者宋人
而所以殺之者珪也視吳起樂羊
子之忍也有以異乎無以異乎

石天祿珪之子也東平路元帥歷濟兗二州管民總管

國朝

郭士原泰安州人勇略過人累立戰功歷陞中軍都督府

都督進爵寧陽侯

王圭字廷器泰安人性樸儉篤學舉洪武鄉試任山西夏縣教諭以德學名當道薦爲御史辭不就儒官清素四十八年以子貴封戶部員外郎年四十喪偶不復取壽幾百歲子二牧山西鄉試第一育賜進士累官山西左布政稱剛直清白俱爲鄉評所重

杜英泰安人貢授温州府同知擢廣西叅議時黎季犛叛據州郡英督兵討平之俘其男女三十餘人

文皇帝賜爾書擢左右政兼鎮撫夷方又之感瘴癘卒年四十有四

傅裕字克寬泰安人舉順天八年鄉試判真定府擢倅延安所至稱廉仁榆林叅將郭英高彥積不法獄屬裕讞鞫臺臣欲從末減英以五百金賂裕不受持法愈厲致休進秩知府林居無請謁鄉人稱謙厚長者云

張異泰安下張保人篤學敦行勤勞養父母寒暑不怠父死廬墓三年母死如之由州學生卒業成均官山西布政司檢校

制科獻士共一百八十六人

制科五十九人洪武癸未朱懋湖廣左叅政永樂乙酉徐奇五臺

縣訓 王整 蒲城縣知縣 王圭 夏縣教諭以子育封郎中 戊子 呂紳 戶部主事 陳

英 馬瑜 監察御史 辛卯 楊忠 刑部郎中 劉善 鎮遠府知府 袁弘 淮安府教

授 李貞 昌黎縣知縣 甲午 朱鳳儀 慶雲縣知縣 李殷 薛瑾 監察御史

李良 丁酉 劉王 吳堡縣知縣 王純 樂平縣知縣 聶禎 工部員外 李勳

福建按察 庚子 武功 景陵縣知縣 侯宣 癸卯 陳立 登庚戌進士隴

西縣 王迪 陽曲縣知縣 宣德 丙午 王牧 圭之子 南和 訓導 李芳 洛南

縣訓 乙卯 郭琰 恩州府知府 正統 壬子 周昭 周府長史 辛酉 龔鑛

縣丞 王麟 迪之子 甲子 馬進 深州判官 盧迪 寶鷄縣知縣 丁卯 王

育 圭之子 登戊辰進 景泰 庚午 安恒 新鄭縣知縣 劉震 山西都司

斷事 丙子 郭旻 琰之子 無 天順 己卯 傅裕 鎮之子 延 劉愷

岳州府 田畿 獲鹿縣知縣 成化 戊子 周冕 昭之子 登乙未 畢

珍 庚子 高嶽 解元 登甲辰進 癸卯 王龍 杞縣知縣 周旻 昭

子 龔州 范懋 丙午 閻岱 青州知州 張潤 璽之子 登 弘治 壬

子 李瑾 順義縣知縣 乙卯 張忠 登己未 進士 正德 丁卯 高霖

歲之子 降 癸酉 馬經 太谷縣知縣 高雲 嶽之子 己卯 孫璋 邯鄲縣知

縣 嘉靖 壬午 封尚章 解元 甲午 張琬 丁酉 劉一桂

張璿 桂之子 庚子 吳傳 丙午 安科 壬子

高桂 雲之子

獻士一百三十七人 **洪武** 甲子劉讓監察御史 丙寅岳守正大理

寺寺 戊辰杜英廣西左布政使 庚午張福工部司務 壬申董芳工部郎中

癸酉謝貫河南府知府 丙子張儼監察御史 戊寅夏遠戶部主事 庚辰

邵麟真寧縣知縣 壬午楊盛忻州同知 甲申劉微侯官縣知縣 丙戌楊

弘乾州判官 未樂 戊子高節澤州知州 庚寅王賓岢嵐州判官 壬辰蹤

朴懷柔縣主簿 甲午霍信饒州府檢校 丙申蘇信昌黎縣縣丞 丁酉張

俊襄城縣主簿 戊戌張異山西布政司檢校 王翰秦府典儀 庚子曹通建寧

府知事 甲辰周溥永清縣縣丞 丙午張忠虞城縣知縣 戊申姜倫陝西

理問 已酉程朋 **宣德** 丁未郭皞鳳陽府檢校 庚戌李敏清州同知

王英沁水縣主簿 壬子李寬高邑縣知縣 甲寅鄭昭萬壽縣知縣 **正統**

丙辰李懋平陽府知府 戊午傅鏞陳州學訓導 以 已未封貴

黎城縣 壬戌苗盛黎城縣縣丞 癸亥梁材 甲子杜亨英之子

田俊懷慶府經歷 丁卯李翔臨城縣主簿 甄純 已巳張昭

東光縣 景泰 庚午高清江浦縣典史 辛未李宏直隸應縣主簿 周

寧鎮江府 壬申蘇茂嘉興縣縣丞 癸酉趙昇 李敬金吾左衛經歷

甲戌楊安 乙亥楊最 楊禪 丙子趙敦沛縣縣丞 賈希

誼懷慶府照磨 **天順** 丁丑王行簡安邑縣縣丞 戊寅王述河間縣縣丞

已卯劉澤民大興縣縣丞 辛巳張麟 壬午李節河東運司運判 癸

未杜廉

安吉縣丞

甲申陳佐

龍門衛經歷

成化

乙酉韓瑁

丙

戊周璟

丁亥郭健

李恭

臨縣教諭

戊子周憲

庚寅張

秘解州

乙未曲泰

通之子

丙申宋浩

汝縣丞

戊戌李貫

永寧縣

已亥張羽

庚子李梅

陸安州判官

壬寅苗興

癸

卯袁吉

大倉經歷

乙巳劉錫

保安衛經歷

丁未馮壽

弘治戊申

于時

茶陵州吏目

庚戌馮茂

南京所吏目

辛亥張惠

忻州吏目

壬子崔

鳳

癸丑壽驥

慶府審理

乙卯杜琰

亨之子

丙辰劉温

縣

鮑玘

丁巳李性之

戊午周鸞

吳縣主簿

張豪

已未馬讓

進之子

辛酉宋儒

浩之子

壬戌李壘

癸亥許讓

甲子杜世昂

無錫縣丞

正德丙寅周達

河間府經歷

歷

丁卯高儒

大同都司

已巳王輔仁

偃城縣教諭

庚午薛祿

縣

辛未劉鉉

六安州同知

癸酉柳茂

大同縣教諭

甲戌盧繼宗

儀封

甄恭

丙子壽駿

丁丑侯繼先

信之孫

已卯李翹

南樂縣教諭

耿環

庚辰李漳

瑾之子

李選

徐溝縣

嘉靖壬午余鱗

文彥道

慶都縣丞

癸未朱軻

縣

乙酉王鎧

丙戌李達

丁亥楊智

解之孫

州判

已丑李欽

庚寅周書

辛卯劉進

南皮

縣

壬辰王臣

癸巳封尚貞

齊魯

甲午

馬縉 經之弟光祿寺署丞 乙未鄒弘文 丙申田時耕 魯府紀善 戊戌

周昂 新野縣知縣 己亥李樂 榆杜縣教諭 李觀民 魏之子魯府教授 庚子

王文通 羅次縣知縣 鄧雯 鮮州同知 辛丑文卿 彥道之子 王藩 龍之子 壬

寅白忠 癸卯楊文淵 智之子 甲辰何東魯 伊陽縣訓導 乙巳

李文美 丙午劉穆 戊申王京 己酉王紳 庚戌

侯養正 繼先之子 辛亥梁恕 壬子洪訓 癸丑韓傑

例貢五十五人

曹鉉 穎州府經歷 張連 寧晉縣知縣 曲通 張宣 三元縣知縣 張彥

王環 臨潼縣知縣 張璽 侯信 口河縣知縣 王宣 牧之子絳州同知 楊弘

薛英 鴻臚寺序班 劉俊 萬泉縣知縣 劉寧 孫紹 開城縣知縣 韓整 信陽

李志 洛川縣典史 安鎧 榆次縣典史 程達 順縣主簿 劉守道

鎧之子蕭封 茂州知州 魯良 曹震 陽曲縣知縣 王訓 環之子耀州判

官侯軌 信之子高平縣主簿 張敬宗 宿遷縣主簿 王賓 育之子陽縣知縣 王貞

育之孫高傳 汝霖子裕之 王功 宣之子馬邑縣知縣 張棋 忠之子慶州判官

劉璋 峻之子中縣丞 張桂 武陟縣主簿 王藻 龍之子定州吏目 張演 全州吏目

劉湯臣 張尚義 階州吏目 張大成 王莒 環之孫 杜溼 世昂

之子河東運副 安樞 秦州判官 周孟麒 鸞之子宿州吏目 王承儒 功之子 安檣

施惠 高郵州判官 張紳 其州衛知事 鄒弘道 鎮寧州吏目 王一元 龍

孫靈川 縣主簿 范詔 程大本 孫達之 安桂 弟 施恩 弟 惠之 張思

齊 施忠 李恩獻 楊文浹

附錄科貢題名記 編修 陽行 正 記 泰安州學自國初以來登進士者若干人登鄉舉者若干人各書其姓名于壁德清胡侯瑄以名進士來知州事篤意學校乃始合而書之於碑以昭示永久適考績來京以余忝執筆從太史後俾為之記昔歸退之謂南方之山獨衡為宗其神必靈而柳之為州又當中州清淑之氣窮而鬱積者其神氣之所感必有冠奇志信材德之民生其間信斯言也衡山五岳之一耳獨為其南方之山所宗其神既靈矣然則五岳之長名曰岱宗舉天下之山皆宗之其神之靈豈衡匹哉而泰安之為州岱宗雖其北禪亭峙其右官山翼其左迤而汶濟河流其前遠則大河鉅海匯環其外中州清淑之氣殆於是焉細緼盤紆而停蓄非窮而鬱積者比則其神氣之所感冠奇志信材德之生其間者又豈偏州下邑之可擬哉况又遭逢盛世

光嶽氣完文風丕振士之薦名鄉書策名天府者後先相望其亦宜矣胡侯乃復碑而列之其表章先達勸勵後進之心不亦至乎吾知是碑之立人將歷指其名而尚論其世矣彼將曰是為魁奇者是為忠信者是為材德兼全者斯無忝乎山川之所生而增重科目矣否則曰是庸碌者是夸訐者是自材無德者則為山川羞為科目累可不戒哉可不勉哉 德清胡君廷器以皇帝十有八年之冬進士德清胡君廷器以山東泰安州既至按學官闕扶惟前後歲貢士未有為之立石題名者越明年政和民權修舉闕墜乃礪石書諸士氏名以垂示無窮伴來京師徵于言以記之洪惟我國家羅致賢才圖惟化理百餘年間聖祖神宗前創後述惟科貢之途是闢迨我皇上丕承大統以人文化歲天下錄二十年其作人盡道之心尤倦倦焉故縉紳章纓之士雖或挾異能沐恩膺顯爵苟其發軔不由科貢之途非惟已自餘憾人亦莫之重也士之得列名於茲者厥惟艱哉雖然天下學校之士由歲貢集于京師者一舉遂千餘人亦皆隨

世以謀利祿與庸衆人同存亡而已求其道德功業卓然可以名當世而垂無窮者蓋寥寥焉噫其始擅鄉曲之譽獲貢天子之廷其終成就止於利祿之資而已衆人之所推重有司之所選擇國家之所造就豈端爲是哉君子謂胡君此舉有得乎風勵之道歷茲以符是邦之士將必有鑒先進之戒否淑慝而知所勸戒焉者爲書于石庶幾嗣守是邦者有以知君好意之所存

列女十一人

魏景獻帝后羊氏諱徽瑜泰山南城人父道上黨太守母陳留蔡氏漢中郎將邕之女也聰敏有才行

晉惠帝后羊氏諱獻容泰山南城人祖瑾父玄之太安元年册立

魏羊耽妻辛氏字憲英隴西人魏侍中毗之女也聰慧有才鑒初魏文帝得立爲太子抱毗項謂之曰辛君知我喜不毗以告憲英憲英嘆曰太子代君主宗廟社稷者也代君不可以不戚主國不可以不惧宜戚而喜何以能父魏其不昌乎弟敞爲大將軍曹爽參軍宣帝誅爽因其從魏帝出而閉城門爽司馬曹芳率府兵斬關赴爽呼敞同去敞惧問憲英曰太子在外太傅閉城人云將不利國家於事可得爾乎憲英曰事不可知然以吾度之大傳殆不得不爾明皇帝臨崩把太傅臂屬以後

事此言猶在朝士之耳且曹爽與太傅俱受寄託之任而獨專權勢於王室不忠於人道不直此舉不過以誅爽耳故曰然則故無出乎憲英曰安可以不出職守人之天義也凡人在難獨不卹之爲人執鞭而棄其事不祥也且爲人任爲人死親昵之職也汝從衆而已故遂出宣帝果誅爽事定後故歎曰吾不謀於姊幾不獲於義其後鍾會爲鎮西將軍憲英謂就從子祐曰鍾士季何故西出祐曰將爲滅蜀也憲英曰會任事縱恣非持父處下之道吾畏其有他志也及會將行謀其子琇爲

參將憲英憂曰他日吾爲國憂今日難至吾家耳琇固請於文帝不聽憲英謂琇曰行矣戒之古之君子入則致孝於親出則致節於國在職思其所司在義思其所立不遺父母憂患而已軍旅之間可以濟者其惟仁恕乎會至蜀果反琇竟以全歸祐嘗送錦被憲英嫌其華反而覆之其明鑒儉約如此秦始五年卒年七十九國朝李氏禹村保李政女生而淑靜適官庄保崔宣稱賢婦年二十六夫亡家貧孝養翁姑死葬以禮撫其孤四人皆成立年逾六十終始一節有司䟽旌其門

李氏致仕知縣李瑾女舉人高雲妻正德辛未遇流賊攻
陷州城李恐被污用刀自刎咽喉幾斷賊驚愕遁去有
司以聞 詔旌其門陳氏謝村保陳壽女雲之繼室也
正德辛巳雲病故時陳年二十一歲遺孤桂生甫半月
陳以死自誓家貧女紅爲生親戚罕見其面見今五十
四歲始終全節有司以聞 詔旌其門一門雙節
天旨再臨蓋曠典也

劉氏舊縣保民王誥妾董氏西牛保民李悅妻蕭氏汶西
保民苑思恭妻正德辛未五月強賊進城恐遭污辱俱
投井渰死有司以聞 詔各表其門

續氏劉氏廩生趙進忠之妾嘉靖戊申進忠病故二氏號
慟越三日半夜從容裝束自經而死時續氏年二十五
劉年二十一分巡僉事于揚適臨本州聞其事扁其門曰
雙節未及旌表

物產

今夫山寶藏興焉貨財殖焉是故言物產者莫尚乎山
而况岱爲天下之名山也乎嘗觀禹貢岱畎絲枲鉛松
惟石神農經載泰山諸藥石而山海經曰其上多玉其

下多金多水王道書福地記曰泰山多芝草玉石是物
產之聞于昔也然而昔有者今無或古無而今有之志
載其所有而惟藥品爲多豈神山福地氣化之所滋者
固異於他山歟

木有秦松漢栢唐槐皆紀于岳于祠與徂徠新甫並傳矣
它若椿梧梓檜楸榭桑柘榕欒榆柳楊棟雖皆有之顧
登封之地無喬林豐樾而取材于工師者或寘焉岳多
石少土固難於滋植然而人見其濯濯也是豈山之性
哉

果有梨栗棗柿梅杏桃李柰石榴銀杏櫻桃林禽核桃蒲
萄羊棗文冠果無花果諸品多植于岳吐園林其在岳
者多野生曰山榴獼桃野棠

花有牡丹芍藥紫微凌霄夜合辛夷長春麗春梔子玉簪
萱葵臘梅薔薇鷄冠鶯粟山丹月季蘭蕙茨菰石竹菊
百餘種蔓生於樹曰藤花可蔬鹿芴花別名曰黃花菜
瓊美稱於天下而土人賤之不以供客

藥以泰山著圖經者三十有九種曰青芝赤箭景天遠志
天門冬千歲蘘徐長卿太乙餘糧石龍芮石鍾乳石硫

黃白石脂赤石脂白石英紫石英玄石磁石滑石雲母
石絡石草龍骨伏翼蝮蟪松肪栢實茯苓丹參茵陳茵
芋女糝狼毒連翹菝蘆澤漆瞿麥香附子玄胡索惟天
麻獨異于它產但鮮而難致有名在圖經而不以泰山
言者四十有九種曰蒼朮黃精黃連黃芩玄參蝦參苦
參沙參葛蒲知母益母貫衆山查山藥地黃地榆地丁
南星枸杞木蘭防風荆芥芫花花椒百部百合草烏柴
胡牽牛桔梗藁本芎藭漏蘆鬼箭麥門冬葳靈仙白蘚
皮青木香鬼見愁車前子硝石長石青蒙石金星石銀
星石金銀花馬兜鈴王不留行諸品惟沙參獨良石花
可已心疾傳金瘡撲患湘之可茶狀如蒙山而氣味亦
稍相類此則圖經所未載者

穀有黍稷稻麥菽粟芝蔴胡麻巨勝黍黃白黑三種稷黃
黑二種稻紅白二種麥有麩麩蕎三種菽青黃赤綠黑
刀扁諸種粟百餘種曰九里香花裏黃其最佳者
貨有絲有木綿細絹葛可爲絺有麻蘇蜜蠟

茶薄產巖谷間山僧間有之而城市則無也山人採青桐
芽曰女兒茶泉崖陰趾茁如波蕨者曰仙人茶皆清香

異南茗黃岑芽皆爲茶亦佳松苔尤妙

藪蔕於畦圃者弗志其野生曰菁茶藜蘆蘆蘆芹枸杞椿棟
榕欒芽俱可菹香莢並異八麻樹芽和糜粥亦佳曰枸
骨芽曰芴春土人甘之

五金出萊蕪之黃山亦有黃白二土石焦二炭土可墜可
巧炭石可薪而焦良於冶頗爲民利故又曰八寶山是
爲岳東支麓其西麓曰桃花峪山人昔嘗採白金礦山
海經云其下多金是也又云其上多玉今不可見土人
云岳巔間嘗一炫光彩意者其玉韞之輝與

鳥多野鴿巢巖穴及岳祠榭題多鳩雀有鸞鵝鷹鷓鴣
惟岳祠無鴉異哉有曰巧婦爾雅釋枕蟲是也曰山僧
聲如念佛曰紅娘子色如胭脂曰拖紅練拖白練皆以
尾色名有雉鷄山鷄野雞鷓鴣黃鸝鷓鴣翡翠布穀畫
眉有翠羽褐衣如畫眉者汶有鴛鴦鷓鴣鷓鴣野鴛
獸有獐麋獾兔兔有兩其足者不能走每跳一二丈許曰
跳兔有黃鼠蒼狐白狼在深山窮谷而登封之地則無
也山海經曰有獸焉其狀如豚而有珠名曰狇狇今未
之見豈山林古今之變而氣化有不同與

魚有斑文四五寸許四五月生嶽北溪澗中過此則無矣
冰凝嶽頂北十里許陰壑中名曰天牢天日不過之地四
時有之不假伐藏

祥異

傳曰祥多者其國安異衆者其國危又曰和氣致祥乖
氣致異天人交感之際治忽安危之所由也可不謹乎
而况泰山宗岳發育萬品而氣化攸先其爲祥異每關
乎天下國家尤當致謹而可以無志乎夫祥異者天也
乖和者人也必先士頁之人而後來端于天是故察乖和
以驗幾微以圖治安者必先於茲山焉可也

漢昭帝元鳳三年春正月泰山大石起立高丈五尺大四
十八圍入地深八尺三石爲足立處有白鳥數千集其
旁是年僵柳復起生虫食柳葉成紋曰公孫病已立符
節令畦弘以爲石陰類下民而承當有庶人爲天子者坐
妖言伏誅其後宣帝起於民間

宣帝元康元年鳳凰集泰山赦天下 三年春神雀集

泰山

成帝河平元年泰山桑谷有蠶焚其巢郡人孫通等聞

山中群鳥鵲聲往視見巢難盡墮地中有二鵲燬燒
死樹大四面巢去地五丈五尺易曰鳥焚其巢旅人先
笑後號咷京房易傳曰人主暴虐鳥焚其巢其後趙飛
燕姊妹專寵後宮有子者殺之并殺其母帝崩后坐誅
此焚巢殺子後號咷之應也一曰王莽貪虐而任社稷
之重卒成易姓之禍云

章帝元和二年二月辛未幸泰山黃鵠三十經祠壇上
東北過于齋宮翱翔升降

晉武帝泰始四年七月泰山崩墜三里京房易傳曰自上
下者爲崩泰山之石巔而下厥應聖人受命人君虜是
後懷愍二帝俱辱虜庭淪胥於北元帝中興於南此其
應也

元帝太康二年六月泰山大水蕩析三百餘家溺死六
千餘人時平吳後王濬爲元功而詆劾妄加荀曾爲無
謀而並蒙重賞收吳姬五千納之後宮此其應也

成帝咸康八年趙石虎建武八年有石然于泰山八日
而滅

宋孝武帝大明元年七月白雀見泰山

東魏宣武帝景明三年八月辛巳泰山崩湧水十七處
武定六年四月泰山甘露降

後齊天統初泰山封禪壇玉璧自出夫岱山王者易姓告
代之所玉璧所用之幣而自出將有異姓王者用幣之
象其後齊亡地入于周及高祖受周禪天下一統焚柴
泰山告祠之應也

隋文帝開皇十四年將祀泰山令使者致神像于祠未至
數里野火歛起燒像時帝信讒猜忌滕王瓚失志而死
功臣多被夷滅其後太子勇被戮

唐高宗永徽二年七月泰山大水十三年十一月戊子
雉雉馴飛泰山齋宮內夫封禪所以告成功祀事無重
於此者而野鳥馴飛不忌禁衛不祥

宋真宗大中祥符元年五月泰山醴泉出丁丑王母池水
變紅紫色按史乾封縣民王用田中有童兒培土得青
錢數十爭取之錢墜石罅因發石湧泉二十四眼味極
甘美又枯石河有湧泉二十五眼一眼出層阜之上經
宿勢浸盛引數派雙魚躍其中有果實流出似李差小
味甚其制置使王欽若貯水以獻六月庚戌賜百官詔

建亭賜額曰靈液六月王欽若至乾封上言泰山醴泉

出天書見有靈芝三萬八千二百五十本夫醴泉芝草固理之所有

乃若天書之降吾誰欺欺天乎十二月泰山玉女白龍王母地醴泉

出丁酉賜輔臣新醴泉六年十月泰山興工有鳥狀

烏味趾皆赤役夫稍憇即飛鳴作起之聲衆工見其來

畚鍤爭進將晡而去日以爲常目爲催工鳥

仁宗嘉祐三年七月泰山上瑞麥圖凡五本

元世宗至元九年九月泰山淫雨河水溢圯田廬室稼

成宗元貞元年六月泰山大水

武宗至大元年九月泰山大水

仁宗延祐元年三月泰山霜雪三日

文宗天曆元年泰山大水

順帝元統元年泰山淫雨河水溢大饑至正六年春

二月泰山奉符縣大饑地震七日他縣亦然

國朝成化二十一年春二月三月泰山屢震遣官祭之

正德十六年春三月岱廟東廊火

嘉靖八年泰山蝗九年十年如之十六年六月泰山

水漂溺數百人十一月州城火延燒數千家二十一

年泰山蝗不爲災 二十二年泰山夏再稔麥粟有一
本三穗至五穗者知州馬逢伯獻于朝 二十九年十
二月岱廟火正殿門廊俱焚古樹碑刻亦多毀者 三
十年六月泰山大水御帳衝壞人多溺死 三十二年
泰山大饑民相劫奪行旅不通 三十三年春泰山大
饑餓羣枕藉貧民多取其肉食之

雜志

岳十有三志悉矣而復以雜言何曰不倫於志而不得
以遺於志也昔者聖人贊易兩篇于翼以發其蘊而必
有雜卦傳焉志法其初義以附諸野史之拾遺與夫西
陽湘中之類云爾且諸雜而不越者乎

堪輿家云泰山之麓柴水交流孔林獨茂蓋指泮漆梳洗
汶漸而言吾夫子之生也豈偶然哉是故其終也曳杖
之歌泰山自任公姓掖掖世祿罔替則岳靈之篤於孔
氏者其有窮乎

峪石刻金剛經俗傳王右軍書雖縉紳文人亦以爲然
其字大尺餘楷書八分相雜無古法決非名家其不爲
右軍明矣意者金元人書耳且此經爲番僧鳩摩羅什

所譯於後秦姚興弘始五年始入中國距蘭亭書記之時幾六十載而右軍已下世矣况晉自永嘉之亂宗社播遷神州陸沉泰山非晉有使逸少尚存亦不得至岳而書之也

周漢明堂相去三十里史書之明矣通志州志以周爲漢以漢爲周宋加青帝之號而曰泰山元刻張志詩而曰王暉又訛暉爲鄆范致冲宋人也而列于元石刻喬宇詩而曰程敏政德祐作廟記而曰御制凡此舛謬已畧見於各志茲復類以贅焉欲觀者之致詳耳

岳刻諸名家可爲書法者篆則李斯二十八字

玉女宣池後

和大定二碑額

岳祠

會真宮李白詩四面碑

國朝喬宇

詩文

岳祠

邢一鳳書寅賓二字于日觀峯

八分則開元

磨崖御書葉彬補書百八字回馬嶺三字崖巔有開元

紀泰山銘四字如斗申旆補書秦始皇紀泰山銘皆有

古法

楷則張待制宣和修廟碑

岳祠伯仲虞褚追踪鐘

王宋真宗御書青帝贊陰字碑党懷英姜立綱二賢祠

碑習嘉言代祀記姚霽書端中丞析雪碑皆有帖意

行則錢襲慶遊覽記尹待詔祥符四碑

俱岳祠

草則汪廣

洋

詩刻延禧殿前

魏閑許應元

詩刻環

大書則盛秋林位宗

遙

亭

林焯忠孝廉節

岳頂磨崖

方元煥第一山皆道勁追古不

以焯書履致唐刻而遺之亦春秋美惡具見之意

岳巔有雲作龜狀必雨白色三日雨黑不崇朝雨土人

占之其應不爽

高誨勝覽云嘗臘月衝雪登岳至御帳雲烟模糊至十

八盤天宇開霽俯矚山腰猶有雪霽及下山大雪如故

冬春之交諸崖谷出烟霧寒甚二初尚可指數頃則變

黢蒙覆盡失山形少霽溪壑林木及樓閣簷牙凝結不

花珠繚粉綴如畫 嘗於春時晨觀山半雲布平密絢

爛一色宛然倒看天宇 四月以後山多蒸濕不可居

五六月亦寒衣必綿臥必炕早暮如深秋 夏時暴

雨山半風激雲湧雷聲電光皆出其下隱約見麓地白

波沆漭如海頃忽雲升岳巔則上下皆雨 人飲諸崖

水多瀉惟瑤池白鶴水簾五花玉女數泉甘美元君祠

東崖一竅泉滴如珠晝夜出一斛許其味尤佳

喬冢字白巖題汶河詩刻 御香亭云九峯南望碧巉

峨汶水平添一丈波渡口客來休便過北溪山雨正滂

沱其詩作於正德間添波滂沱蓋有所指而於君子進
止之機有戒之之意焉環詠亭刻貞菴題舍身崖一絕
深戒小人與喬詩警世同而志弗錄何也蓋詩貴微婉
和平而崖詩曠直無風人旨故曰美則愛愛則傳信矣

泰安州知州鄭聚東校補

學正陳寵

訓導盧楓

新泰縣教諭林宇中校正

生員

侯貴 鄧覽

尹鳳儀 李汝桂

同校

泰山志卷之四 終

重泰山志後

夫俯仰內莫大乎山川故敘山川者必先撮瀆敘嶽瀆者
必先泰河然而四時神其機流峙嶺其象吾人著功用以
襄其化寔一道也是故撮瀆分而後星紀明焉星紀明而
後分野定焉君子居方辨物不先山川而何哉嘗觀諸古
今國都有志藩省有志郡縣有志下逮一梵一祠龍宮商漚
瀕之末亦或紀其盛而志焉至於岱宗之巨鎮乃遺而弗
志何也意者志郡國則附錄焉夫固同他山而槩舉矣是
故古今所以畧之也吾歎汪白野先生博雅多識君子嘗

遊泰安日覽泰岱之勝遂究極群書裒集茲志期年有成
然亦勞矣後之觀者覽形勝考歷代律同異辨方隅徵驗
帝王之典籍可以據而不惑凡自無懷而下或廢音或懸
無甚殊尤則後之爲封禪之說者可以斲矣自
一隱或顯無甚靈秘則後之爲丹鼎之說者可以斲矣自
一巫而下或後或禮無甚稽驗則後之爲禱祀之說者可
斲矣若夫登臨頽景寓目大觀而洪編詎辭成方岳實
鈔此則與聖賢小天下者同歸焉是宜志之詳也覽者準
古證今即新推舊庶可以爲仰觀俯察之一助云



